

SAMPYKKT

um breytingu á samþykkt nr. 561 frá 18. júlí 1983 um gatnagerðar- gjöld í Súðavíkurbreppi.

12. gr. orðist þannig:

Þegar veitt er byggingarleyfi fyrir nýbyggingu eða viðbyggingu við götu, sem þegar hefur verið lögð bundnu slitlagi skal innheimta bæði A-gjald og B-gjald af viðkomandi byggingu.

Þegar veitt er byggingarleyfi fyrir breytingu eða endurbyggingu húsnæðis, sem felur í sér breytta notkun þess, þannig að húseign færist í hærri gjaldflokk, þá skal innheimta gatnagerðargjald af hinu breytta húsnæði, sem nemur mismun af gjaldi reiknuðu af hinu breytta húsnæði fyrir og eftir breytinguna.

Þegar svo hagar til að gatnagerðargjald er eingöngu ætlað til lagningar gangstétta skal gjaldstuðull vegna gangstéttanna ver 1/3 af gjaldstuðli fyrir viðkomandi fasteign skv. 4. gr.

Samþykkt þessi, sem samin er og samþykkt af hreppsnefnd Súðavíkurbrepps í Norður-Ísafjarðarsýslu staðfestist hér með samkvæmt lögum nr. 51 16. maí 1974 um gatnagerðargjöld til þess að öðlast gildi þegar í stað.

Félagsmálaráðuneytið, 1. september 1988.

F. h. r.

Berglind Ásgeirsdóttir.

Hólmfríður Snæbjörnsdóttir.

REGLUGERÐ

um breytingu á reglugerð fyrir Rafmagnsveitur ríkisins nr. 112, 6. apríl 1968.

1. gr.

3. mgr. 2. gr. breytist og orðist svo:

Ráðherra ákveður staðartakmörk orkuveitusvæðis Rafmagnsveitna ríkisins.

2. gr.

4. gr. breytist og orðist svo:

Svæðagreining Rafmagnsveitna ríkisins.

Orkuveitusvæði Rafmagnsveitna ríkisins er skipt í 5 rekstrarsvæði. Þau eru þessi: Vesturlandsveita, sem afmarkast af Vesturlandskjördæmi; Norðurlandsveita vestri, sem afmarkast af Norðurlandskjördæmi vestra; Norðurlandsveita eystri, sem afmarkast af Norðurlandskjördæmi eystra; Austurlandsveita, sem afmarkast af Austurlandskjördæmi og Suðurlandsveita, sem afmarkast af Suðurlandskjördæmi.

Annast sérstakur rafveitustjóri daglegan rekstur veitukerfis eins eða fleiri þessara svæða, undir yfirstjórn rafmagnsveitustjóra ríkisins.

Þeim þáttum, sem hagkvæmt þykir að sameina í rekstri hinna einstöku rekstrarsvæða, er stjórnad og þeir framkvæmdir frá aðalskrifstofu rafmagnsveitnanna.

3. gr.

Reglugerðarbreyting þessi, sem sett er samkvæmt orkulögum nr. 58/1967, öðlast þegar gildi og birtist til eftirbreytni öllum, sem hlut eiga að máli.

Iðnaðarráðuneytið, 5. september 1988.

Friðrik Sophusson.

Páll Flygenring.

REGLUGERÐ

**um niðurfellingu á reglugerð um vistun fanga að Bitru í Hraungerðis-
hreppi nr. 584 6. október 1981.**

1. gr.

Reglugerð um vistun fanga að Bitru í Hraungerðishreppi nr. 584 6. október 1981 er felld úr gildi.

2. gr.

Reglugerð þessi er sett samkvæmt heimild í 13. gr. sbr. 16. gr. laga um fangelsi og vinnuhæli nr. 38 24. apríl 1973 og öðlast gildi 1. janúar 1989.

Dóms- og kirkjumálaráðuneytið, 6. september 1988.

Jón Sigurðsson.

Þorsteinn A. Jónsson.

AUGLÝSING

um staðfestingu á aðalskipulagi Selfoss 1987 – 2007.

Samkvæmt skipulagslögum nr. 19, 21. maí 1964 hefur ráðuneytið hinn 29. ágúst 1988 staðfest uppdrátt af aðalskipulagi Selfoss 1987 – 2007.

Uppdráttur þessi hefur hlotið þá meðferð, sem skipulagslög nr. 19/1964 mæla fyrir um. Bæjarstjórn Selfoss hefur samþykkt hann og skipulagsstjórn ríkisins afgreitt hann til staðfestingar ráðherra.

Jafnframt er felldur úr gildi aðalskipulagsuppdráttur sá af Selfossi sem staðfestur var af ráðuneytinu 6. apríl 1979 sbr. auglýsingu nr. 203/1979, sem birt var í B-deild Stjórnartíðinda.

Félagsmálaráðuneytið, 1. september 1988.

F. h. r.

Berglind Ásgeirsdóttir.

Hólmfríður Snæbjörnsdóttir.